

Ang Pagiisip ni Cristo

Filipos 2:5,

“Mangagkaroon kayo sa inyo ng pagiisip, na ito’y na kay CRISTO JESUS din naman.”

Mga Taga Roma 12:2,

“At huwag kayong magsiayon sa sanglibutang ito: kundi magiba kayo sa pamamagitan ng pagbabago ng inyong pagiisip, upang mapatunayan ninyo kung alin ang mabuti at kaayaaya at lubos na kalooban ng Dios.

Ang sabi ng Propeta ng Diyos tungkol sa bagay na ito:

Iyan ang nais nating lahat na gawin: Ang huwag makiayon sa takbo ng sanlibutang ito, kundi magiba tayo sa pamamagitan ng pagbabago ng ating mga pagiisip upang mapatunayan natin kung alin ang sakdal at kaayaaya at lubos na kalooban ng Diyos. Ngayon, tayo ay nangaligtas; at tayo ay nangapuspos ng Espiritu Santo, na taglay natin; **ngayon naman ay ninanasa nating mapasa atin ang pagiisip ni Cristo, upang tayo ay mabago mula sa mga natural na bagay ng buhay, patungo sa pagtupad ng sakdal na kalooban ng Diyos sa pamamagitan ng transformasyon ng Espiritu ng Diyos sa pamamagitan ng Kaniyang Salita (Ef. 4:20-24).**

“Pagbabago ng inyong mga pagiisip...” **Ang mga bagay na datirati mong itinuturing na mahalaga, isantabi mo na ngayon at ibaling mo naman sa ibang bagay; iyong dating ikaw noon, sa kung ano ka naman sa ngayon.** Kita n’yo?

Oh, iyan ang nais nating malaman, kung paano natin ito magagawa. Kita n’yo? Narito tayo; iniibig natin Siya; iniligtas Niya tayo, at **ngayon ay nais nating malaman kung ano ang nararapat nating gawin.** At pagsikapan nating humakbang ng bahagya sa umagang ito upang umangat tayo kahit na kaunti.

Ngayon, nais nating mabago, ang ating mga sarili, sa pamamagitan ng pagbabago ng ating mga pagiisip. Kita n’yo, hindi sa mga bagay na taglay natin dito sa lupa, hindi rin sa mga bagay na nasusumpungan natin sa lupang ito, **kundi sa dakong patutunguhan natin sa mundong darrating. Panibagong anyo sa pamamagitan ng pagbabago ng ating mga pagiisip! [1]**

Hayaan ninyong ipakita ko sa inyo ang bagay na ito. **Kapag dumating ang isang sobrenatural, iyan ang pagiisip ni Cristo.** Napapalayo ka na sa sarili mong kaisipan hanggang sa ang iyong sariling pagiisip ay... Huwag ninyong asahang ipaliwanag ko iyan, hindi ko iyan magagawa. [2]

Kahit magsalita ka ng mga wika, kahit maglulundag ka, sumigaw, o anopamang bagay,

nalalaman mo na nabubuhay ang Diyos sa iyo, na hindi ka na lumalakad sa pamamagitan ng sarili mong pagiisip, ang **pagiisip na ni Cristo ang nangungunahan sa iyo sa pamamagitan ng Salita**, eksakto kung saan man Ito magtungo, naroon ka. [3]

‘Pagkat alalahanin. **Hindi mo maaaring taglayin ang pagiisip ni Cristo at ang pagiisip ng sanlibutan ng magkasabay** (I Cor. 2:11-16). **Hindi mo maaaring gamitin ang sarili mong kaparaanan at ang kaparaanan ng Diyos ng magkasabay.** Kinakailangang lumabas ka sa sarili mong kaparaanan upang magawa ng Diyos ang Kaniyang kaparaanan. Iyan lang ang paraan na magagawa mo sa lahat ng bagay. Huwag ka ng mangatuwiran pa; **manampalataya ka na lamang** (Kaw. 3:5-6). [4]

Darating ang bagong kapanganakan, ngunit hindi ito darating maliban na magkaroon muna ng kamatayan. Subalit ayaw mamatay ng mga tao (Juan 12:24-25). **Tinatanggihan nila ang payak na pangunguna ng Espiritu Santo** (Rom. 8:14). **Nais nilang paganahin ang sarili nilang pagiisip tungkol sa bagay na ito.** **Hindi mo maaaring gamitin ang sarili mong kaisipan.** Ang kailangan ay isaisip mo ang Kaniyang mga kaisipan. **“Mangagkaroon kayo sa inyo ng pagiisip, na ito’y na kay Cristo Jesus din naman.” Amen.** Siya na ang iniisip ay mga kaisipan ng Diyos, ay magtatamo ng mga biyaya ng Diyos, ang kapangyarihan ng Diyos na ukol sa iyo. At papalisin nito ang lahat ng mga basurang taglay mo, sampu ng lahat ng makasanlibutang bagay, at magdudulot ito sa iyo ng panibagong buhay. **Maghahatid ito ng buhay na may kakayanang mabuhay na maguli.** **Maghahatid ito ng mga bagong kaisipan.** Magpapalitaw ito ng isang bagong pagkatao (II Cor. 5:17). Maghahatid ito ng isang bagong panampalataya (II Cor. 4:13). Ihahatid ka nito mula sa kamatayan patungo sa buhay (Juan 5:24). [5]

Iyan ang dahilan kung bakit tayo binautismuhan sa Kaniyang Pangalan (Mga Gawa 2:36-39) upang lumabas tayo taglay ang Pangalan Niya, sa pamamagitan ng Kaniyang kamatayan, ng Kaniyang pagkabuhay na maguli, upang makabangon tayong muli na nagpapatotoo sa sanlibutan na mayroon tayong taglay na bagong Buhay, na ang lumang pagkatao ay patay na (Rom. 6:6). Inilibing na natin ang una nating kalikasan.

Kita n’yo, ang unang kalikasan ay naglaho na, at ngayon ay tayo na ang kalikasan Niya (II Pedro 1:3-7). Nabubuhay Siya sa atin, at hindi na natin ginagawa ang sarili nating kalooban; ang kalooban Niya ang ating ginagawa. Hindi na natin iniisip ang sarili nating mga kaisipan. **Ang pagiisip na Niya ang siyang gumagana. Ang pagiisip ni Jesus Cristo na nasa bawat manampalataya** (Fil. 3:15-16). Kita n’yo? Iyan ay ang kaluluwa, at iyan ang pinaguusapan natin. Ngayon, iyan ang bahagi na pinagiisipan ko sa ngayon, iyan ay ang nasa ating kalooban, ang kaluluwa. [6]

Ngayon, ang sabi Niya, “Ang sa Akin ay sumasampalataya, ay gagawin niya ang mga gawang Aking ginagawa.” (Juan 14:12). Hindi Niya maaaring baguhin ang desisyong iyan. Ang sabi Niya, “Ang mgaandang ito ay magsisisunod sa kanila na nagsisisampalataya.”

(Marcos 16:17-18). **Kung ang Buhay ni Cristo ay mapasa iyo, ang pagiisip ni Cristo, kung magkagayon ay magmamalasakit tayo at gagawin natin ang mga bagay ni Cristo.** Ang sabi Niya ang mga tandang ito na ginawa Niya ay magsisisunod sa bawat mananampalataya na sumasampalataya sa Kaniya. [7]

At kailangang hayaan natin na ang kaisipan ng Diyos ang maging kaisipan natin. Nawa'y mapasa inyo ang pagiisip ni Cristo. At ang Bibliang ito ang nagpapahayag ng pagiisip ni Cristo. At ang buong Aklat ng Kapahayagan, na tinatawag na Apocalipsis, ay ang Kapahayagan ni Jesus Cristo. [8]

Buweno ngayon, hindi mo masusumpungan si Cristo na basta na lamang itaboy ang iyong dating kaisipan. Kailangang kumilos ka, at tumalikod ka sa mga pangangatuwiran mula sa sarili mong kaisipan patungo sa kaisipan ng Diyos. “Nawa’y mapasa inyo ang pagiisip na nakay Cristo Jesus.” **At kapag nagpasimula kang pagisipan ang Kaniyang mga kaisipan, magpapasimula kang ipamuhay ang Kaniyang buhay at magagawa mo ang mga bagay na ginawa Niya. Nakikita ba ninyo ang ibig kong sabihin? Hindi ikaw ang gumagawa nito; ito’y si Cristo** (Col. 1:26-28). [9]

Inaanyayahan tayo ng Diyos na kunin natin Siya bilang isang Halimbawa, upang mahulma ang ating karakter na tulad Niya. Napakadakila! (Rom. 8:28-30).

At kapag hinayaan nating mapasa atin ang Kaniyang karakter, tayo ay magiging mga anak na lalaki **sa pamamagitan ng pagtanggap natin sa pagiisip ni Cristo: ang pagiisip, na Siya Niyang karakter. Ang iyong pagiisip ang gumagawa ng iyong karakter.** “Ang pagiisip,” ang sabi ni Pablo, “ni Cristo, ang pagiisip na ito ay mapasa inyo.” Pahintulutan ninyo ang pagiisip na iyan ni Cristo na mapasa inyo. **Iyan ang bumabago sa ating mga karakter. Iyan ang huhulma sa karakter ng isang anak ng Diyos.** [10]

Nawa’y huwag nating pahalagahan ang sarili nating mga kaisipan, **bagkus ay buksan natin ang ating mga pagiisip sa dakilang pahid ng Kaniyang Presensiya** upang makilala natin ang Kaniyang pagiisip, upang magawa nating tuparin kung ano ang nakatala sa Kasulatan, “Nawa’y mapasa inyo ang pagiisip na nakay Cristo.” [11]

At alam n’yo, **kalimitan kapag iniisip natin ang Diyos at pinapanatili natin ang Diyos sa ating pagiisip, sa pagkakataong iyan lumalapit sa atin ang Diyos.**

Sa palagay ko’y isa iyan sa malalaking suliranin ng mga tao sa araw na ito. **Lubhang napakarami ng mga bagay na nasa isipan natin.** [12]

Oh, kung wala sanang ibang bagay na nasa mga isipan natin. Alam n’yo minsan punta tayo sa simbahan, ang nasa isip natin, “Bukas kailangan kong gawin ang bagay na ito; sa susunod na araw, ganito naman ang kailangan kong gawin.” **Kapag nasa simbahan tayo, kailan**

gang isantabi natin ang bawat kaisipan at ang bawat bagay ng sanlibutan at makipagtag-po tayo kay Cristo at manambahan tayo: magmunimuni tayo, sumamba tayo mula sa ating mga puso, at magalay tayo ng mga awitin at mga papuri sa Kaniya, isipin natin ang Kaniyang kabutihan, at kung ano ang layunin Niya sa atin, sumamba tayo sa Espiritu, umawit tayo ng mga awiting espirituwal, mangagpuri tayo sa ating mga puso. Maging ang Biblia

ay nagsasabi, “Natutuwa ba ang sinoman? Awitin niya ang mga pagpupuri.” (Santiago 5:13). Mangagalak kayo; magbulaybulay kayo, na palaging nagaabang na makita ninyo ang Diyos anomang sandali. [13]

Siyanga po, wala na ako sa aking pagiisip; kailangan ko itong gawin upang masumpungan ko ang pagiisip ni Cristo. Iyan ang nararapat gawin ng bawat mananampalataya (Tama ‘yan.) masusumpungan nila ang pagiisip ni Cristo kapag iwinaglit nila ang sarili nilang mga paiisip. [14]

Lampasan natin ang kampakamento ngayon. Lampasan natin ang sarili nating kaisipan. Magpatuloy tayo sa pamamagitan ng kaisipan ng Diyos. Ito ang sabi ng Biblia: “Nawa’y mapasa inyo ang pagiisip na nakay Cristo.” **Kaya nga pagisipan natin ang Kaniyang mga kaisipan, hindi ang sarili nating kaisipan, sapagkat kalimitan tayo’y nagkakamali. Kaya upang makatiyak, hayaan nating humimlay sa atin ang Kaniyang pagiisip. At ang pagiisip Niya ay ang tupa-rin ang kalooban ng Ama, at ang kalooban ng Ama ay ang ipinangako Niyang Salita. [15]**

Ang makataong pagiisip ay walang kakayanang ipaliwanag ang pagiisip ng Diyos. Paano ipapaliwanag ng isang munting pinit na pagiisip ang impinit na Pagiisip, samantalang hindi nga natin maipaliwanag ang pagiisip natin sa isa’t isa. [26]

Ngayon, ang tao ay isang bilanggo. Sinabi ng Diyos na ang isang tao ay isang bilanggo. Kaya nga kapag may nangyari sa isang tao... Gusto kong makuha ninyo ang bagay na ito ngayon. Na bago maganap ang bagay na ito sa isang tao, **ang tinatawag na bagong kapanganakan, wala siyang paraan upang maunawaan ang Diyos, ni magkaroon man karunungan ukol sa Diyos.** Bagamat ipinangungusap ito ng Salita, hindi ito lubos na malirip ng kaniyang kaisipan, sapagkat ito ay isang makataong pagiisip. Kita n’yo? Kailangang taglay niya **ang pagiisip ng Diyos upang maunawaan niya ang mga bagay na makadiyos.** Kita n’yo? **Kaya nga ang lahat ng babasahin, ang lahat ng mga paaralan, ang lahat ng mga katuruan,** marahil ay magaganda ang mga ito, subalit hindi pa rin natin masasabi na ito na nga ang tunay.

Ganiyan din sa araw na ito. Ang mga bagay na ito rin ang bubulag sa mga mata ng karnal na pagiisip, sapagkat hindi nito mauunawaan ang mga bagay ng Diyos. Ito’y laban sa Diyos. Ito’y kaaway ng Diyos. Ang makataong pagiisip ay kaaway ng Diyos. Kailangang lumabas ka sa iyong sariling makataong pagiisip **at maipanganak kang muli sa pamamagitan ng Espiritu Santo** (Juan 3:1-8). At papasukin mo ang pagiisip ng Diyos sa iyo. Kung gayon ay magagawa mong sampalatayanan ang mga bagay na ito. At ang bagay na ito ay nagiging isang

realidad. Amen. [27]

Kung nasa atin ang pagiisip ni Cristo, mapapagtanto natin na ang Salita ay ang Katotohanan, at Ito ay nabubuhay mismo sa pamamagitan natin. Hindi mo ito maiiwasan; Ito’y si Cristo. [16]

Kita n’yo, hindi mo na ito sariling pagiisip; ito’y sarili Niyang kaisipan sa pamamagitan mo, at hindi mo na ipinapahayag ang iyong sariling salita; bagkus ay ipinapahayag mo ang Kaniyang mga Salita. [17]

Kaya nga may tunay na pananampalataya, subalit kailangang dumaan ka sa tunay na alulod ng Diyos upang makamit mo ang tunay na pananampalataya. May **makataong pananampalataya**, at may **pananampalataya ng Diyos. At kailangan mo ng isang makadiyos na pananampalataya upang magawa mong paniwalaan ang bagay na ito.** Ngayon, upang magkaroon ka ng makadiyos na pananampalataya, kailangang mapasa iyo ang pagiisip ni Cristo. Iyan ang paraan ng Diyos upang makapagpamalas Siya sa iyo ng **mga pangitain, kapahayagan, at ang lahat ng mga bagay na ito ay dumarating sa pamamagitan ng pagiisip ni Cristo na nasa iyo.** Nakuha ba ninyo? [18]

Tama. Eksaktung eksakto iyan sa madalas na sinasambit ni Pablo:

Roma 7:25, “Nagpapasalamat ako sa Dios sa pamamagitan ni Jesucristo na Panginoon natin. Kaya nga tunay kong ipinaglilingkod ang aking pagiisip, sa kautusan ng Dios; datapuwa’t ang laman ay sa kautusan ng kasalanan.”

Kapag nais kong gumawa ng mabuti, ang masama ay nasa akin (Rom. 7:18-24). Kita n’yo? Ganiyan din ang iyong ginagawa. **Sa pamamagitan ng iyong pagiisip, ‘yan ay ang iyong puso.** Kita n’yo? **Ngayon, alalahanin, hindi ka nagiiisip sa pamamagitan ng iyong isip; at hindi ka rin nakakakita sa pamamagitan ng iyong mga mata. Nakakakita ka sa pamamagitan ng iyong puso. Nalalaman ba ninyo ang bagay na iyan? Nalalaman ba ninyo na may isa pang persona na nasa loob mo maliban sa iyong sarili?** Natuklasan ng Agham mga apat na taon na ang nakalipas, alam n’yo. May isang silid sa loob ng puso mo, kung saan ang sabi nila doon tumatahan ang kaluluwa.

Kaya sa aking pagiisip... Ang sabi niya sa isang dako, “Sa palagay ko’y nasa akin ang Pagiisip ni Cristo.” (I Cor. 2:16). Ngayon, **sa pagiisip na iyan ay napaglilingkuran mo—sa pamamagitan ng pagiisip ni Cristo ay napaglilingkuran mo ang Diyos. Kita n’yo, sa pamamagitan ng panloob na bahagi, ng panloob na bahagi, napaglilingkuran mo ang Diyos. Ang iyong subconscious, diyan nakasasalalay ang pananampalataya.**

Ang sabi ni Pablo noon, “Sa aking pagiisip... (‘At taglay ko ang pagiisip ni Cristo, kita n’yo?’ ang sabi niya.) Pinaglilingkuran ko ang Diyos sa aking pagiisip, ngunit sa aking laman, ay ang kautusan ng kasalanan.” Ano ito? Sinasabi ng aking laman sa gabing ito, “Pagod ka na.

Namamaos na ang iyong lalamunan. Maghapon kang nahanginan. Hindi ka na dapat pang mag-simba.” Iyan ang kautusan ng laman.”

Ngayon, ang sabi ng aking pagiisip, **sa aking kalooban ay sinasabi ng Espiritu Santo**, “Ngayon, hindi na kailangan, ikaw na mayumi, ikaw ang pinakamagandang bata doon sa paaralan. Ngayon, huwag mong intindihin ang nanay mong holy-roller o ang tatay mong panatiko. Kita n’yo? Ikaw ang pinakamagandang babae doon sa paaralan.” “Ikaw ang pinakaguwapong lalaki, ang pinakamaporma, pinakamatikas. Ikaw ang pinakasikat doon sa bayan.” Kita n’yo? At nagpa-paubaya naman ang iyong mga sangkap sa bagay na iyan, at ano ang kahihinatnan mo? Sa huli ay ikaw pa rin ang bigo. Kita n’yo?

Ang sabi ni Pablo, “Nais palagi ng laman na magpaubaya sa bagay na iyan.” Ganiyan din ang ginagawa ng iyong laman. Kita n’yo? **Subalit ang kautusan ng Espiritu ng Diyos (Rom. 8:1) na nasa puso ay nagtatagumpay sa laman at nagagawa nitong pasunurin ang katawan sa kung ano ang pinagagawa ng puso. Aleluya!**

Masdan n’yo, kung may magagawa iyan sa isang taong makasalanan, hindi ba maaaring gumana rin iyan sa karamdaman? Ang kautusan ng Espiritu ng Diyos na nasa puso ang nakakatalos na “Sa pamamagitan ng Kaniyang mga latay tayo’y nagsigaling,” (I Pedro 2:21-24) maninindigan sila taglay ang kanilang kapangyarihan upang sundin sila ng karamdamang nasa katawan, sapagkat ito’y isang diablo. Hayan ka na. May karga iyang krema. Sinasabi ko sa inyo. ‘yan na iyon. Kita n’yo?

Ngayon, ang **kautusan ng kasalanan at kamatayan** ay gumagawa sa iyong laman, **subalit ang kautusan ng Espiritu ng Buhay ay gumagawa sa iyong puso. Kaya nga ang iyong puso, ang espiritu na nasa iyong puso ang gagawa upang pasunurin ang iyong katawan sa nais nitong ipagawa.** Eksakto talaga iyan. Ngayon, iyan ang sabi ni Pablo. Sa tuwina ay sinasabi ng laman, “Pagod na pagod na ako; hindi ko na kaya; wala na akong sapat na lakas; hindi ko na ito magagawa.” [19]

Nung Siya, ang ating Panginoong JESUS CRISTO, ay narito pa sa ibabaw ng lupa, hindi Niya sinunod ang Sarili Niyang kaisipan, ang Sarili Niyang kalooban, bagkus ay isinakripisyo Niya ang Sarili Niyang kalooban at ang Sarili Niyang mga kaisipan upang masunod Niya ang pagiisip at kalooban ng Kaniyang Ama. “Naparito Ako hindi upang gawin ang Aking kalooban, kundi ang kalooban Niya na nagsugo sa Akin.” (Juan 6:38). Nakikita ba ninyo ito?

Ngayon, naparito si Cristo upang tuparin ang kalooban ng Ama. Kaya nga kung makikita natin kung ano ang ginawa ni Cristo, at kung anong uri ng pananampalataya ang ipinagkaloob Niya sa mga tao, o ang ipinangaral Niya sa mga tao, iyan ang uri ng pananampalataya na ating ipinakikipaglaban. [20]

Oh, kapatid na lalaki, hindi mo mapapagtanto kung ano ito, **malibang magpakumbaba**

ka at ipagkatiwala mo ang iyong sarili sa Diyos. Huwag mong gamitin ang iyong sariling pagiisip. Huwag mong gamitin ang iyong sariling kaisipan. Ipagkatiwala mo ang lahat ng iyong kaparaanan sa Kaniya at **tahakin mo lamang ang daan na pinangungunahan Niya** (Rom. 8:14). Saan man...

Kapag dumaan Siya sa gawing ito, ayos lang ‘yon. Magkaminsan patungo ito sa malalalim na ilog, ngunit nalalaman ninyo ang sinasabi ng awit: “Minsan sa tubig, minsan sa baha, minsan sa pagsubok, ngunit lahat ay sa Dugo.”

Ang kaparaanan ng Diyos ay patungo mismo sa malalim na karagatan, sa ilang, at sa taluktok ng mga burol, sa pamamagitan ng ilang ng mga kasalanan, at lahat na. Subalit ilalabas ka ng Diyos, **kung magagawa mong sumunod sa Kaniya at huwag mo ng gamitin ang sarili mong kaisipan. Gawin mo lamang kung ano ang pinagagawa sa iyo ng Diyos, at magiging maayos ang lahat sa iyo.** Naniniwala ba kayo rian? [21]

Magagawa nating lubos na magtiwala sa Diyos sukdulang maisantabi na natin ang sarili nating mga kaisipan, sa halip ay magamit natin ang Kaniyang mga kaisipan. At nawa’y lubos akong magtiwala sa Iyo, Panginoon, **upang magamit ng Iyong Espiritu ang aking mga labi upang mangusap, ang aking mga mata upang makakita, hindi upang maluwalhati ang tao, bagkus ay upang malaman ng mga tao na tinutupad ng Diyos ang Kaniyang Salita,** at ito’y sa huling kapanahunan. [22]

Kapag humantong ka na sa ganap na pagsunod, magkakaroon ka na ng pagaari. At iyan ay mangyayari kapag ganap ka ng sumuko. **Kailangang isuko mo ng lubusan ang iyong mga kaisipan, ang iyong kalooban, ang sarili mong pagiisip, at hayaan mo na ang pagiisip ni Cristo ang siyang kumilos sa iyo.** Ngayon, sa palagay mo ba ay sasabihin ng pagiisip ni Cristo na nasa iyo, “Ang kaarawan ng mga himala ay lumipas na”? Sa palagay mo kaya ay sasabihin ng pagiisip ni Cristo na nasa iyo, “Ang Biblia ay tama sa ibang dako datapuwa’t hindi sa ibang bahagi”? **Kikilalanin ng pagiisip ni Cristo ang bawat Salita na sinabi ni Cristo. Tama ‘yan. Kaya nga kung hindi mo gagamitin ang iyong sariling pagiisip, gamitin mo lang ang pagiisip Niya.**

At ako nang ipagkatiwala ko ang aking sarili sa Kaniya, at ginamit Niya ang aking pagiisip, ang aking mga mata, ang aking bibig. Siya ang lahat sa akin. Sumunod lamang ako! Iyan ang nararapat mong gawin. Iyan ang nararapat gawin ng mga ministrong ito kapag ipinapangaral nila ang Ebanghelyo. Tatayo sila sa dkong iyon at kukuha ng teksto, aba, magsisimula silang mangaral, at susunod lamang sila sa Diyos, sila’y mga ministro, at malalaman mo na lang, **dadalhin sila ng Espiritu Santo sa isa pang teksto, pagkatapos ay sa iba pa.** [3]

Pansinin n’yo, ang dakilang pagkakaisa! Hindi gumagawa si Jesus malibang makita muna ng Ama o ipakita muna sa Kaniya ng Ama: Pagkakaisa sa pagitan ng Diyos at ni Cristo. Kita n’yo? (Juan 5:19). **Gayon din ang Nobya, at ipinapakita Niya sa Nobya ang Kaniyang Salita ng Buhay (Ipinapakita Niya sa Kaniya), at tinatanggap naman niya ang bagay na Ito.** Hindi

niya ito pinagaalinlanganan.

Walang sinoman ang maaring manakit sa Kaniya, maging ang kamatayan; sapagkat kung ang Binhi ay naitanim, bubuhayin itong maguli ng tubig. Amen. **Narito ang isang lihim: ang Salita at ang pagiisip ni Cristo ay nasa Nobya upang malaman nito kung ano ang gagawin sa Salita, at ginagawa Niya ito sa Kaniyang Pangalan. taglay Niya ang ITO ANG SABI NG PANGINOON.**

At ito ay mabubuhay; kaya nga ang Espiritu Santo ang siyang nagdidilig nito hanggang sa ito ay lumago upang matupad nito ang kaniyang layunin. **Ang kalooban lamang Niya ang kanilang ginagawa.** (Amen. Pinaniniwalaan ko ang bagay na iyan.) Walang sinoman ang maaaring makapagpabago sa kanila. Taglay nila ang ITO ANG SABI NG PANGINOON, kung hindi ay mananahimik na lamang sila. Pagkatapos ay gagawin nila ang mga gawa ng Diyos. **Sapagkat Siya Mismo ang nasa kalooban nila, itinataguyod nila ang Kaniyang Salita upang sa pamamagitan nila ay magawa Niya ng lubusan ang mga bagay na dati Niyang ginagawa nung kapanahunan Niya.** Hindi Niya natupad ang lahat nung narito Siya, sapagkat hindi pa napapanahon noon. [24]

Ang Katawan ni Cristo (ang Nobya) ay hindi pa tapos. Ilan ba ang nakakaalam tungkol sa bagay na iyan? Ang lalaki at ang babae ay isa. At **si Cristo ay isang Katawan, ang Salita. Ang Nobya ang kabuuan ng katawang iyan, at kapag pinagsama moang dalawa ay nagiging isang katawan muli,** tulad ni Adan sa pasimula. Ang lalaki at ang kaniyang asawa ay isa. Ngayon, **Siya, ang tunay na Nobya, ay lubos na nagpapasakop sa Kaniya sukdulang hindi na Niya magamit pa ang sarili niyang pagiisip. Siyanga, ang kaisipan Niya, ay ang Kaniyang kalooban, at ang kalooban niya ay ang Kaniyang Salita.** [25]

Oh, bayan, pagpalain kayo ng Diyos. Pakinggan ninyo ako! Wala na akong iba pang sasampalatayanan maliban sa Salita ng Diyos, at nais kong Ito ang maging buhay ko, ang lahat lahat sa akin. Nais kong iyan ding bagay na iyan ang gawin ninyo. Nawa'y ang mga lakad ninyo, ang mga pananalita ninyo, ang ma kilos ninyo, ang lahat ng bagay na ginagawa ninyo, ay nasa Salita ng Diyos. **Nawa'y sumainyo ang pagiisip ni Cristo, at kayo'y mabuntis sa pamamagitan ng Salita.** Kung pahihintulutan ninyong makapasok ang pagiisip ng denominasyon, kayo'y mabubuntis ng denominasyon. **Kung pahihintulutan ninyo na makapasok sa inyo ang pagiisip ni Cristo,** hindi Niya magagawang tanggihan ang sarili Niyang Salita, 'pagkat Siya'y Diyos. **Ikaw ay mabubuntis ng Salita at sasampalatayanan mo ang bagay na Ito.** Hindi mahalaga sa akin kung ilabas ka nila, itiwag ka nila, ipagkalat ka nila, at ang bawat pintuan ay isarado nila sa iyo, magpatuloy ka pa rin. Amen. [24]

Reference:

- [1] "Power of Transformation" (65-1031M), par. 38-39, 47-48, 59
- [2] "Seventh Seal" (63-0324E), pg. 530
- [3] "Questions&Answers" (64-0830M), COD pg.1080
- [4] "Witnesses" (54-0303), par. 27
- [5] "Balm In Gilead" (59-1124), par. 23
- [6] "Souls In Prison Now" (63-1110M), pg. 9
- [7] "The Countdown" (62-1125E), par. 54
- [8] "Why Against Organized Religion" (62-1111E), par. 43
- [9] "Jesus Christ The Same" (55-0806), par. 19
- [10] "Identification" (63-0123), par. 51 / (64-0216), par. 190
- [11] "Jesus Christ The Same" (63-0604), par. 15
- [12] "Mary's Belief" (59-0409), par. 9
- [13] "Mary's Belief" (60-0311), par. 16
- [14] "World Is Falling Apart" (63-1115), par. 164-165
- [15] "Going Beyond the Camp" (64-0719E), par. 155
- [16] "World Is Falling Apart (63-1127), par. 194-196
- [17] "Future Home" (64-0802), pg. 24
- [18] "Queen of Sheba" (61-0219), par. 8
- [19] "Questions&Answers" (59-1223), COD pg. 490-493
- [20] "Earnestly Contending For The Faith" (55-0123E), par. 4-5
- [21] "At Thy Word" (53-1204), par. 48
- [22] "We Would See Jesus" (59-0422), par. 59
- [23] "Jehovah Jireh 2" (60-0802), par. 14
- [24] "Spoken Word Is The Original Seed" (62-0318E), par. 120; 97-5
- [25] "Choosing A Bride" (65-0429E), par. 26
- [26] "Christ Is Revealed In His Own Word" (65-0822M), par. 91
- [27] "Proof Of His Resurrection" (55-0410M), par. 35, 104

Spiritual Building-Stone No. 183 from the Revealed Word of this hour, compiled by:
Gerd Rodewald, Friedenstr. 69, D-75328 Schömberg, Germany
www.biblebelievers.de, Fax: (+49) 72 35 33 06

There's coming one with a Message that's straight on the Bible, and quick work will circle the earth. The seeds will go in newspapers, reading material, until every predestinated Seed of God has heard It. [Bro. Branham in „Conduct-Order-Doctrine“, page 724]